

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئول

ابو العلاء زین العابدین

تاریخ تأسیسی

۱۳۳۰

عدد : ۵ ۱۲ رجب سنه ۱۳۳۰ پنجشنبه ۱۴ حزیران ۱۳۲۸ برنجی جلد

حقوق

قانون اساسینک اوتوز بشنجی ویدنچی و اوتوز سکیزنجی ماده لرینک
تعدیلاتنه دأر مجلس مبعوثان انجمن مخصوصی مضبوطه سی

معلوم اولدینی اوزره مجلس مبعوثان ایله حکومت آرمسندده ظهور ایدن اختلافارده
صوک سوز ملتکدر . آنجق ملکتمزده اصول نیابت تقرر ایش اولدیفندن ملت صوک
سوزنی بلاواسطه دکل الکی برزمانده انتخاب ایتش اولدینی مبعوثلر واسطه سیله اظهار
ایدر . اکر اصول نیابت اولسه ایدی اوتوز بشنجی ماده یوزندن چیقان و مجلس سابق
فسخنی انتاج ایدن اختلاف حقنده ملت چوقدن حکمی بلاواسطه و برمش و مجلس سابق
اختلافه نظراً موقی تعین ایتش اوله جق ایدی . بونکله برابر اختلافی نقطه ده افکاری
و بوخصوصه کی علنی تعهداتی معلوم اولان مبعوثانی بورایه کوندرملکه دعوانک شکلی
دکله سیله اساسی اولسون چوقدن حل ایتش صایله بیلیر . شمدی هیئت جدیده مبعوثان
طرفندن وریله جک رأی وقرار، اساسی تقرر ایتش بردعویه معین بر رسم و قیافت ویرمکدن
عبارت قالمشدر . مجلس محترم ملتک حکم اعلام قطعین تصدیق ایلک ، ملتک سینهنندن
نشان ایدن بر نتیجه فعلیه یی بر نتیجه حقوقیه ایصال ایتک، الحاصل جعلی بر معنایه برکسوه
لفظیه ویرمک وضعیتنده در . واقعا قواعد نیابت نظریاتجه مبعوثان حر ، غیر مسؤل ، غیر
مقید ، غیر قابل عزلدر . بناءً علیه بر اجتهاد جدیده تبعاً وعد و تعهدلرندن رجوع ایتکه
حقلری وارددر . قانون اساسی بیله هیچ بر تعلیاته ، هیچ بر قیده تابع اولمدقلرینی تصریح
ایلیور . آنجق بعض معنوی تعهدلر واردرکه الکی صریح و قانونی تعهدلرندن بیله ده قطعاً -
المقاددر . الکی حیاتی بر مسئله ده بر قاج آی ظرفنده تبدیل اجتهاد ممکن ، بونکله برابر حیرتی
بادی اوله جق درجه ده نادر و مستبعددر . بناءً علیه بویه آرز زمانده اوقدر اساسی و تفصیلاً
تذکر ایدیلان بر مسئله ده تالون اجتهادی کوسترناره ملت بحق حیرت ایتکه صلاحیتدار
اولور .

اختلافک صورت حلی بودرجه بسیط بر شکل اخذ ایتدکدن صکره اثبات مدعی ضممنده

مفسوخ مجلس مبعوثانہ اولدینی وجهله فسخك ماهیتی حقنده معارضله قارشو مفصل دلائل ایرادینه اشد ضرورت قالماز ایسهده برقاندها تنویر افکار مقاصدیه انجمنز مجدداً بعض ایضاحات اعطاسنه کندیسنی مکلف کورمشدیر .

* *

الیوم مرعی الاجرا اولان قانون اساسی موجبنجه فسخ یالکز ۳۵ نجی ماده معدله دائرہ سندہ وقوعه کله بیلور . ۳۵ نجی ماده ایسه او قدر زنجیر ایلہ باغلامشدرکه یرندن قیملداعغه حالی یوقدر . بوسبیلہ هرشیدن اول بوزنجیرلری قالدیرمق اقتضا ایدیور ایدی . بوزنجیرلر قالدقجه فسخ دینان معامله یوق حکمنده ایدی . مجلس سابقک بوقیود ایلہ برابر فسخته امکان حاصل ایده بیلمی اوقیودك فسخه مساعد اولسندن دکل ، اوقیودی قالدیرمق تشبندن ایلری کلش ایدی . یوقسه اوقیود ایلہ برابر فسخه تشب محال دینله جک درجده بر امر مشکل ایدی .

قیود مذ کوره ایسه مجلس مبعوثان ایلہ هیئت وکلا آره سندہ اختلافک واختلافه تبعاً وکلانک تکرری ومجلس اعیانک استحصال موافقتی ایدی . بونارک برنجیسی هیچ بر مملکتده یوقدر . ایکنجیسیده یالکزفرانسهده واردر . واقعا آلمانیا ایمراطوری رایخشتاغ مجلسنده فسخ ایچون برچوق صفات ایلہ برابر مجلس اعیانلق صفتیده حائر اولان بوند شرآت مجلسنک موافقتی استحصال ایتمکده ایسهده بونک سببی آلمانیاک حکومت مختلفه متحدهدن مرکب اولسندہ وآلمانیا ایمراطورینک رایخشتاغ مجلسنه قارشو لانتاغ مجلسی وضعینده بولنمامسندہ آرامق اقتضا ایدر . قاعده رایخشتاغی فسخ ایچون بوندن آلمان حکمدارلرینک اراده سی استحصال ایدلک ایجاب ایدر . بوکا امکان اولمدینی ایچوندرکه او حکمدارلرک مرخصلرندن مرکب اولان بوند شرآت مجلسنه مراجعت اولنیور . باخصوص بو اویلہ بر مجلسدرکه اوراده اغلبیت تفوذ روسیایا قرالنک یعنی آلمانیا ایمراطورینکدر . شواعتبارله آلمانیا بوند شرآتک موافقتی استحصال لزومی فرانسهده کی مجلس اعیانه قیاس ایتک اصلا طوغری اوله ماز .

ایشته الیوم مرعی الاجرا اولان ۳۵ نجی مادهده مندرج زنجیرلرک امثالنی اوروپا مشرو طیتلرنده آرایجه بویله بر نتیجهیه واصل اولیورز ، بو امثال بزى فسخ حقنده دهها زیاده ایضاحات ویرمکدن مستغنی قیله بیلیر .

مع مافیه فسخی دها صاغلام براساس علمی به ربط و اوروباده کی امثاله توفیقاً دها معقول و مفید برشکله وضع ایتک ممکندر . فسحک حقیه جریانی و ثمره دار اولمی ایچون آنی بالکز ۳۵ نجی ماده ده مندرج شرطه تعلیق ایتک اساس اعتباریه طوغری اولماز ۳۵ نجی ماده او ناشیده و نامعقول زنجیرلرندن تجرد ایتسه دخی ینه قوتلرک توازن ایتسی تأمین ایلیمز . بوراده امثال فعلیه و نظاریات علمیه یکدیگرینه دست معاوضتی اوزانه رق عینی بر حقیقت سیاسیه بی اثبات ایتکده در .

فی الحقیقه اسویچره و آمریقان جمهوریتلریله نوروچ حکومتندن ماعدا هیچ برملکت یوقدرکه اوراده فسح جاری اولسون ، همده صورت مطلقه ده جاری اولسون . انکلتزه مستملکاتنده بیله انکلتزه قرالک و کیلی اولان والیر انکلتزه قرالک انکلتزه ده حائر اولدقاری صلاحیت مالکدرلر . بو اوج مملکته کانه : بونلردن آمریقاده تفریق قوا قاعده سی پک صیتی براساسه تابعدر . قوه تشریعی مک اسقاط وسائر خصوصاتده هیئت وکلانک حیاتنده نفوذ و تأثیری مفقوددر . بالمقابل قوه اجراییه مک ده قوه تشریعی بی فسح ایده مه می اوراده کی توازنک ضروری بر نتیجه میدر . فضله اوله رق مجلسک دوره اجتماعیه سی ده ایکی سنه اولوب بویکی سنه ظرفنده ده اون اوج آیدن زیاده اجتماعه امکان یوقدر . الحاصل اصول مشروطیت مطلقه دیدیکمز پارلمانتاریزم اصولی غیر جاری اولدینی ایچون آنک نتیجه طبیعی سی اولان فسحک اجرا ایدیه مه می ضروریدر .

اسویچره ده برطرفدن قانونلر ایچون ره فهره ندوم اصولی جاری اولدیفندن طولانی مهم مسائلک کافه سنده ملت حکمک وظیفه سی ایضایه ذاتاً مأمور و مجبور ایدلش اولدینی ایچون فسح اجراسی صورتیه آرای ملته مراجعته محل قلمبور . دیگر طرفدن تفریق قوی آمریقاده کینک عکسنه جاری اولوب هیئت مدیران تماماً مجلس عمومی به منقاد و قابینه سقوطی کی مسائل غیر موجوددر . بو صورتله مختل اولق تهلکسنه معروض اولیان بر موازنه بی اعاده ایچون مجلسک هیئت وکلا وظیفه سی ایضا آیدن مدیران طرفندن فسحنه حاجت یوقدر . بونکله برابر بعض قانونلرده اهالینک معین بر مقداری طرفندن واقع اولان مراجعت اوزرینه مجلسک فسحیه انتخابات جدیدیه مراجعت قابوسی دخی آچلمشدر .

مابعدی وار

